

中興禮書

中興禮書第二百六十四卷

凶禮二十九

顯仁皇后

遺誥

紹興二十九年九月十四日詔皇太后聖體違和服藥未效如草澤有能治療得獲痊安者白身除節度使有官人及願就文資者並與比附推恩外支賜錢一萬貫田五百頃三省可出榜曉諭許徑赴和寧門外自陳差內侍二員專一收接文字

十五日詔今月十六日垂拱殿坐為皇太后違和特不視事一日令宰執赴內殿奏事

同日詔皇太后聖體違和祈禱天地宗廟社稷太一宮

天慶觀報恩光孝觀差宰執侍從臨安府載在祀典及  
名山大川神祠在內差守臣在外分差知縣合排辦祝  
文青詞禮料御香等令太常寺聞報所屬疾速施行其  
其被差行事官於今月十五日各就所司致齋十六日  
行禮

同日詔門下朕承列聖之休德撫中興之不圖皇太后  
尊御東朝日垂慈訓致九州之養每躬定省之勤介萬  
壽之旂方視康寧之履偶茲旬日有爽節宣未收藥石  
之功備展祈禳之禮爰敷滯宥以洽善拜可大赦天下  
限赦書到日罪人除犯刳殺謀殺故殺鬪殺並為已殺  
人者并十惡偽造符印放火及盜官物入已罪至死官  
員犯入已賊將校軍人公人犯枉法監主自盜賊不赦

內枉法自盜罪至死情理輕者奏取指揮闕殺罪至死  
情理輕者減一等刺配千里外牢城斷訖錄案聞奏其  
餘罪無輕重已發覺未發覺已結正未結正咸赦除之  
應五嶽四瀆名山大川及祠廟載於祀典者所在精虔  
致禱應五嶽四瀆在醫術者可令所在州縣日下津發  
令乘騎赴闕於戲恩決普天同旂斯民於仁壽慶長延  
樂宜勿藥以痊和赦書日行五百里敢以赦前事言者  
以其罪罪之

十六日詔皇太后聖體違和醫藥未效再領恩施加惠斯  
民庶洽吉祥以祈康復應紹興二十八年以前第四等  
以下民戶未納稅賦及見欠官物並與除放諸路綱運  
拋失欠折官物見監繫人如無情弊並與蠲放臨安府

內外官私房錢白地錢門稅並放半月付戶部疾速施行

二十日皇太后崩于慈寧宮

二十一日文武百僚入詣慈寧殿下立班定禮直官引班首出班於班前東向立指笏宣遺詔曰皇太后誥內外文武臣僚等予享天下之養逾二十年皇帝篤於愛親天祐純孝頃迎駟御歸燕宮闈晨昏奉承恩意節備菽以暮齒見茲時康神明所扶壽紀八十方自願于長樂嘉與四方其休佚而彌旬以來偶櫻疾疚百僚弗瘳獲茲考終夫復何憾皇帝躬侍左右夙宵疚懷藥必先嘗衣不解帶既已備致其憂重念邦務之繁神人所託勉思自抑勿用過哀更賴股肱近臣共為開釋皇帝成

服三日聽政以日易月一依舊制行在文武臣僚十三  
日而除諸司長官及近臣觀察使以上臨於宮庭其餘  
臨於宮門外諸道州府長吏已下三日釋服軍民不用  
縗素沿邊不得舉哀釋服之後勿禁作樂應營奉等費  
並以慈寧宮錢物支給園陵制度務從儉省毋事煩勞  
並依昭憲明德皇太后及諸后故事施行故茲遺詔想  
宜知悉宣訖並舉哭一十五音再拜移班稍東立班首  
稍前躬身致詞奉慰歸位再拜訖退未時八刻文武百  
官並去金玉飾易黑帶詣慈寧殿下立班再拜訖禮直  
官引班首詣香案前撝笏三上香出笏歸位舉哭一十  
五音訖再拜訖班退

以後朝期臨並如上  
儀具香條木殿排辦

同日詔差入內內侍省副都知衛茂實充都大監領大

行皇太后喪事

宗會要九月二十日詔應議司官應議三

日前行來慈寧宮諸領官並置典與給不得分毫科撥及

及巡祖除魁如違官更並置典與給不得分毫科撥及

即散郎知制誥使金國史周麟之借左朝散大夫信安

到之同方館事蘇暉借集信隆祐皇太后故事合三街

皇城司官在內宿直彈壓機察

二十二日都太監領大行皇太后喪事所言依故例每

日差僧道各三十五人啟建道場一月內見亡作水陸

齋首七作黃籙醮二七作大會已後逐七以水陸黃籙

齋醮相間排設所有將來合就六七合終七脩設詔依

二十三日禮部太常寺言今來大行皇太后崩奏告天

地宗廟社稷諸陵太史局選用九月二十六日丙午吉

所有奏告昊天上帝皇地祇太社太稷各合差奏告官

一員欲乞於侍從官內差官太廟別廟合差奏告官一  
員詣陵合差奏告官二員欲乞於南班宗室正任以上  
差官並前一日赴祠所致齋至日行事詔依宋會要九  
日始應都大主營使事所有借取案牘時安府廷不應  
制如合用物候見却大所公文本府即時開奏跪方許  
應制合用物候見却大所公文本府即時開奏跪方許  
今禮部太常寺官檢照故事逐一聚議按日中請如所  
見不同即各具疏伏中朝  
廷取裁不得稽違減裂

十月四日手詔朕恭惟大行皇太后享天下之養而以  
百姓為心平居湯沐之斥還縣官累歲弗取遺詔天下  
凡脩營百費並以本宮錢物充贍望德仁儉視古有光  
朕喪哀恫思奉遺訓應諸路監司州府軍監等可止令  
進慰表其賻贈衣服禮物並免進在路者令追回仍不  
得以助櫬宮脩奉貢獻庶無費擾民以顯揚先文母慈



儉之盛德故茲詔示想宜知悉十一日詔已降手詔大  
行皇太后上仙應諸路監司州府監監等止令進慰表  
免進賻贈衣服禮物貢獻慮有已於民戶科買去處可  
令日下給還仍令戶部遍牒行下

紹興二十九年九月二十一日禮部太常寺言今具下  
項 一檢會故事未成服以前在京文武臣僚諸司長  
吏以上及近臣列校每日朝晡在京文武臣僚諸司長  
吏以上及近臣列校每日臨於宮庭其餘職官臨於宮  
門外成服以後文武百官臨三日後更不入臨 一檢  
會祖宗累朝舊制喪服以日易月在外三日而除行在  
除朔參官以上合赴朝晡臨諸軍統制統領官輪日赴  
臨並成服其餘將副并部使以上常服哭於本營三日

而止其常日朝殿祇應排立行門禁衛班直將校副指揮使以上并御前忠佐候百官赴臨即哭於殿門外欲並依典故施行 一依典故自成服後百官朝脯臨三止其成服日并大小祥禫朔望百官奉慰并成服日大小祥禫進名奉慰皇后詔依

同日閤門言今月二十一日集百官立班聽皇太后遺詔訖其日後百官合赴立班所有到闕未見轉官未謝并在假臣僚已痊安未參假許令自今月二十二日已後赴臨隨班赴赴及見謝辭并參假官乞自今月二十二日並權放十月朔文武百僚門謝時服欲乞權免詔依

同日殿前馬步軍司言逐司諸軍統領將佐等每日早

晚越赴入臨并成服緣管幹軍馬多在城外竊慮有妨  
照管乞特降指揮許免入臨就寨掛服詔依

停祀

紹興二十九年九月二十一日禮部太常寺言參酌到  
典故禮例自舉哀至祔廟停宗廟祭饗并中小祠詔依  
二十二日禮部太常寺言九月二十六日顯恭皇后忌  
辰係係在今來太后以日易月服制之內百官難以起  
赴行香欲乞依昨紹興十二年孝章皇后忌辰禮例權  
停詔依

二十三日禮部太常寺言檢會紹興七年故事龍圖等  
閣祖宗神御殿權停節序旦望及帝后生忌辰酌獻過  
大祥依舊兼今來亦停宗廟之祭所有將來孟冬朝獻

景靈宮欲依前項體例權停詔依

十月十四日禮部太常寺言今來十月二十日簡穆皇后太祖皇帝慈聖光獻皇后忌係在大行皇太后以日易月釋服之外其上件忌辰行香日分百合行起赴詔依

### 禁樂

紹興二十九年九月二十一日禮部太常寺言參酌下項 一自舉哀至祔廟合行禁樂 一舉哀日欲令臨安府禁屠宰三日 一舉哀日欲令詣路州縣管內寺觀自闕報到日脩建道場三晝夜仍令諸州縣禁屠宰三日詔依

十一月十日禮部太常寺言今來顯仁皇太后百日尋

會到太史局稱今年十二月二十九日係百日欲乞依  
故例是日皇帝不御殿於几筵前行燒香禮如宮中之  
行在禁屠宰三日係前後各一日諸路民庶禁樂并屠  
宰一日詔依

十二月十日禮部太常寺言先降指揮自舉哀至祔廟  
禁樂今來顯仁皇太后神主祔廟畢百未純吉服竊慮  
行在民庶未知上件事理所有民間作樂合候百官純  
吉服日方許依舊詔依

三十年二月二十七日禮部太常寺言今來顯仁皇后  
已經卒哭百日祔廟及百官已純吉服其民間作樂欲  
乞依舊詔依

七月二十禮部太常寺言將來九月二十日顯仁皇后

小祥依禮例諸路州軍縣鎮等處小祥前後合禁樂七日禁屠宰三日所有小祥日應官僚合於佛寺設位集僧道行香乞令都進奏院通牒施行詔依月三十一日九月

祥外路州軍禁樂等依此

九月七日禮部太常寺言已降指揮小祥行在禁樂前後各三日禁屠宰前後各一日緣行在與在外州軍不同欲行在禁樂自日下至九月終禁屠宰通三日詔依三十一年六月二日禮部太常寺言九月二十日顯仁皇後大祥依圖朝故事在京與府幾行合禁樂緣故事該載日數不同今參酌比附欲乞行在自九月一日禁樂至月終臨安府所屬諸縣自九月十三日禁樂至二十七日其禁屠宰欲乞並禁三日詔依

梓宮

紹興二十九年九月二十一日詔差入內內侍省東頭供奉官睿思殿祗候馮孝宗充造大行太皇后梓宮官二十二日都大監領喪事所言據修內司承受提轄狀今參照合用天盤囊網沙柏木整籠帳罩子香藥麻灰等依故例係州府應副今來除沙柏木整已承處分令修內司用沙木造作外餘亦乞令本司應副詔依

十月五日禮部太常寺言參今酌討論到將來大行皇太后發引日用大昇輦并龍輜乞依故事令工部行下文思院比附昨紹興元年體例脩製施行詔依

十八日禮部太常寺言準都省批送下都大監領喪事所狀梓宮發引已承指揮經由射殿東廊照西廊殿門

南第五間廊屋權行拆透放梓宮出即不礙宮門所有麗正門係三座門若梓宮到即來審合出去處乞下所屬討論施行後批送禮部太常寺討論申尚書省今討論將來梓宮到麗正門合出中門詔依

二十五日都大監領喪事所言奉上大行皇太后謚用寶畢換立銘旌太史局選定宜用十月二十八日時宜用其日丙時太常寺禮直官狀銘旌合稱顯仁皇太后梓宮乞下文思院書篆所有換下銘旌依故例焚燒詔依

### 大飲

九月二十一日都大監領喪事所言據太史局申選定大飲破服立銘旌收髮掛服立重並宜用九月二十三



日癸卯吉大歛破服立銘旌時宜用其日乙時收髮掛服立重時宜用其日辛時詔依

同日又言據太史局狀合行申請下項 一大歛合用入梓宮神殺及篆文官用金泥篆聖號銘旌幡并端頭提陞板等並乞下文思院限日下製造 一大歛掛服並合用祝文乞下學士院脩撰 一掛服合用重木乞下文思院製造

并青銅天油聚全

詔依

二十二日禮部太常寺申依典故大歛畢文武百官奉慰所有今月二十三日大行皇太后大歛畢文武百官詣西上閣門進名奉慰劄付太常寺依所申施行

大成

版日百官立班退並作休務假

同日又言檢會紹興元年大行隆祐皇太后禮例大創

時前差都大監領喪事官行祭告禮其日俟排辦訖時  
前都大監領喪事官詣香案前北向再拜訖拈筭三上  
香跪爵茶三奠酒執筭俛伏興少立俟陰陽官讀祝文  
訖再拜俟時大歛及合排辦供養茶酒果祭食等係諸  
司排辦所有今來大行皇太后大歛欲依上件典禮施  
行詔依

同日都大監領喪事所言太史局申大歛入梓宮合用  
四神係左青龍右白虎前朱雀後玄武及天河星依故  
例係脩內司彩畫供養裝背在梓宮內貼絡使用所有  
天河星差天文官點畫及合差喪葬作頭團頭力士等  
擎梓宮至殿門交與輦官擎入殿詔依

成服

紹興二十九年九月二十日皇太后崩皇帝服初喪服

白羅衫黑銀帶絲鞋白羅軟脚幞頭

朝旨下工部令文思院製造赴御藥

院送

二十一日禮部太常寺言今檢照景德元年及紹興七

年故事皇帝服布斜巾四脚裙袴冠帽桐木杖腰輿經

首經直領大袖布襴衫白綾襯衫皇帝視事日去杖首

經小祥日改布四脚直領布襴衫腰經布袴大祥日服

素紗軟脚折上巾淺黃衫黑銀帶所有前項衣服乞令

工部下文思院計會御藥院製造詔依

又詔皇后合服齊衰布蓋頭裙

袍衫被首首經幞頭服亦全文思院製造

同日又言檢會故事欽聖憲肅皇后升遐其二弟服衰

服終三年之喪若入皇城門權易黑衰由權開門出入

所有遂七百日止合在家設位行禮其掛服日合於當日掛服於權開門外便服衰服日入赴立班今來大行皇太后上仙章誼等弟姪喪服一等今欲依上件典故施行詔依十月五日詔章誼等解官服三年之喪檢會元豐三年嘗附子姪誼等並依先朝參不

同日又言參酌景德元年及紹興七年故事擬定羣臣服制下項 一中書門下樞密使副尚書翰林學士節

度使金吾上將軍文武二品已上並齋衰服布頭冠布

斜巾四脚大袖襪衫裙袴腰經桐木杖絹襯服 一文

武五品以上并職事官監察御史以上內客省宣政昭

宣知閣門事及入內都知押班布頭冠帕頭大袖襪袴

腰經 一自餘文武百官三省樞密院主事以上及御

史閣門太常寺引班祇應人布帕頭襴衫腰經 一內

外命婦合入臨人冠仍布裙衫帔無破人首經絹襯衫

帕頭 一軍人百姓等白衫紙帽婦人素縵不花釵三

日止 一如將來皇帝聽政祥禪羣臣更不易服至禪

服畢文武百官有紫金玉帶及乘花綉鞵絨座者並易

以犀角皂鞵俟虞祭畢別降指揮 一前項文武百官

等合服孝服欲乞下臨安府製造供送給散詔依

同日又言檢會典故御前禁衛行門班直親從快行親

事輦官等自成服日前並服青紫或褐衫帶子至釋服

日並依舊自成服日至釋服日前如遇朝朝殿亦青服

紫或褐衫帶子所有今來大行皇太后上仙欲乞依故

事施行詔依

同日又言參酌到典故禮例下項 一自舉哀日皇帝  
不視事擇日成服 一擇日奏告天地宗廟社稷諸陵  
兩櫓宮 一依典故其諸路監司州軍縣鎮長吏以下  
依禮制合服布四脚襪直領襖衫上領腰經以朝晡  
臨三日除之詔依

二十二日禮部太常寺言檢會紹興元年禮例皇帝成  
服日依故事詣大行隆祐皇太后靈座前行祭奠之禮  
所有今來大行皇太后上仙欲依典禮施行今參下項

一合用祝文一首

述以皇帝為大行祭奠之禮

皇太后崩成服

乞下學士院脩撰書寫進書并合用封降真香一合乞  
下入內內侍省請降并合用茶酒果等乞下監領喪事  
所排辦 一合差讀祝文官一員乞於史官內差充及

合差侍香進茶酒捲簾舉祝版內侍乞下入內內侍省

差 一合用定時尅擇官二名乞下太史局差撥

內一名十門外百官華次前祇應 詔依并後每遇皇帝親行祭奠之禮

係入內侍省取降祝文青詞表文係學士院僧撰進

書皇帝親行禮並合差捲簾侍香執燭捧祝版等內侍

升侍等並係儀營司釘設排辦 遇朝殿

十月一日主管禁衛所言本所自成服日至釋服日前

遇朝殿御龍直執打從物承太常寺具到故例遇朝殿

合用簾幕並用編素所以從物織扇等亦合改用淺黃

色係割下文思院計料依樣造作令欲乞依故例施行

詔權免執擎

成服行禮儀

其日儀衛司先設素幄於几筵之東稍前俟時將至分  
引行事陪位官易復就位立班定皇帝服素服詣大行  
皇太后几筵素幄即座太史局奏時及禮直官太常博士  
引太常卿當幄前俛伏跪奏太常御臣某言請皇帝  
為大行皇太后崩成服奏訖俛伏興內侍官為皇帝釋  
素服易衰服禮直官引讀祝文官詣香案西面北立捲  
簾太常卿導皇帝出幄詣皇太后几筵側西向褥位立  
奏請再拜哭在位官皆再拜哭太常卿導皇帝詣香案  
前三上香跪內侍進茶酒酌茶三奠酒俛伏興奏少立  
俟讀祝文官稍前跪讀祝文訖請皇帝哭盡哀在位官  
皆哭盡哀請皇帝再拜在位官皆再拜太常卿導皇帝  
還褥位再拜在位官皆再拜太常卿導皇帝還幄簾降



太常卿奏禮畢退百官移班稍東進名班首出班致詞  
復位再拜奉慰仍進名再拜奉慰皇后皇帝返喪次班  
退

中興禮書第二百六十五卷

凶禮三十

顯仁皇后

殿櫨

紹興二十九年九月二十三日禮部太常寺言檢會因  
 草禮紹興元年隆祐皇太后殿櫨日時及祭土時并殿  
 櫨方位並令太史局選定今來大行皇太后殿櫨欲乞  
 依典故下太史局選定所有祭土之禮合係都大監領  
 官行禮詔依太史局選定殿櫨祭土並用十月三日癸丑  
 吉時用其日丁時于時前二刻祭土前一  
刻興梓宮于本殿內  
 東南利方殿櫨吉  
 同日又言檢會昨顯皇后殿櫨其日皇帝行禮文武百  
 官立班陪位今來大行皇后太梓宮殿櫨欲依典故施

行合用祝文一首

日送以大行皇帝行燒香祀之意

御封降真香

一合合差讀祝文官一員乞於郎中內差官并合用供養食茶酒果燎草等乞下都大監領喪事所排辦詔依三十日禮部太常寺言今來大行皇太后殿櫨用十月三日其日雖在小祥之外百官已釋服緣皇帝服衰服行禮兼依典故啟櫨日百官服初喪之服今來殿櫨陪位行事欲官欲比附上件典故亦服初喪之服其日常服黑帶入幕次易衰服入赴行事陪位候禮畢歸幕次常服黑帶退又檢準章猷明肅皇太后故事成服小祥日百官入臨太祥禫除及卒哭日並詣皇儀殿門奉慰唯中書樞密及兩省官觀察使以上入殿庭致奠今來欲比附典故依成服日臨於殿庭官易衰服陪位其班

于殿門外官更不入陪位止令常服去飾以俟奉慰畢  
退詔依

### 殿橫儀

前一日儀鸞司先設素幄於大行皇太后殿橫方位之  
東稍前其日祭土時至都大監領喪事官行祭土之禮  
以俟太史報時及導奉皇太后梓宮至殿橫方位其合  
以令都大監領喪事官俱應都大監領喪事官監視殿橫訖分引行  
事陪位官就位立班定皇帝服袞服詣素幄即座禮直  
官太常博士引太常卿當幄前俛伏跪奏太常卿臣某  
言請皇帝為大行皇太后殿橫行燒香之禮奏訖俛伏  
興禮直官引讀祝文官詣香案西面北立簾捲太常卿  
導皇帝出幄詣西向褥位立奏請再拜哭在位官皆再

拜哭太常卿導皇帝詣香案前三上香跪內侍進茶酒  
酌茶三奠酒俛伏興奏少立俟讀祝文官稍前跪讀祝  
文訖皇帝哭再拜在位官皆哭再拜太常卿導皇帝還  
褥位奏請請再拜在位官皆再拜太常卿導皇帝還帷  
簾降太常卿奏禮畢退百官移班稍東進名班首出班  
致詞復位再拜奏慰皇帝返喪次班退

小祥大祥禫除

以日  
易月

紹興二十九年九月二十四日禮部太常寺言檢會紹  
興七年指揮喪服以日易月小祥大祥禫除日依禮經  
各有祭告之禮遇前項日皇帝親行祭奠之禮並如成  
服之儀伏覲大行皇太后遺詔喪服以日易月合至十  
月初二日小祥十四日大祥十六日禫服其逐日欲依

前項指揮皇帝親行祭奠之禮並如成服之儀所有合  
排辦事件行禮儀注并差讀祝文官欲乞依今來成服  
已得指揮施行詔依

二十八日禮部太常寺言檢會明德皇后故事小祥前  
百官無假每日平明詣延英門起居所有今來大行皇  
太后小祥以前遇旬假日乞依故事施行詔依

三十日禮部太常寺言今脩立到小祥行禮儀注如左  
大祥禫除行禮仿此更不重載其逐次所易孝服注于內其日儀鸞司先設素幄於

慈寧宮東廊西向禮直官引讀祝文官先詣殿上香案  
之西東向立次禮直官太常博士引太常卿詣幄前北  
向立定次御史臺閤門太常寺引行事陪位官並衰服  
大祥禫除行禮仿此更不重載其逐次所易孝服注于內就位北向立班定皇帝服衰服  
大祥禫除行禮仿此更不重載其逐次所易孝服注于內

小祥之服禭除行禮係服素紗 詣帳即御座禮直官太

常博士引太常卿當帳前俛伏跪奏太常卿臣某言請

皇帝為大行皇太后小祥行祭奠之禮大祥祭奠之禮

禭除行祭奠之禮奏訖俛伏興退復位簾捲前導官導皇

帝出陞詣殿下褥位西向立太常卿奏請拜皇帝再拜

舉哭在位官皆再拜哭前導官導皇帝升殿座詣靈座香

案前太常卿奏請上香再上香三上香跪內侍進茶酒

太常卿奏請皇帝爵茶三奠酒俛伏興又奏請皇帝少

立俟讀祝文官讀祝文訖皇帝哭盡哀在位官皆哭奏

請拜皇帝再拜在位官皆再拜訖前導官導皇帝降階

詣殿下褥位西向立奏請拜皇帝再拜在位官皆再拜

訖前導官導皇帝還帳簾降禮直官太常博士引太常

卿詣帷前伏跪奏禮畢俛伏興退皇帝還內大祥皇行

帝服還內服次陪位官移班稍東進名班首出班致詞

復位再拜奉慰仍進名再拜奉慰皇后大祥行禮

殿門不預陪位官進名再拜奉慰皇后皇帝返喪次易小祥之服

百官就幕次易常服黑帶退詔依宋會要九月三十日

皇太后典故後明道二年三月德皇二十九年九月至四月十一日

小祥文武百官釋服并明德皇二十九年九月至四月十一日

日百官文武百官釋服并明德皇二十九年九月至四月十一日

祥文武百官釋服并明德皇二十九年九月至四月十一日

祥文武百官釋服并明德皇二十九年九月至四月十一日

祥文武百官釋服并明德皇二十九年九月至四月十一日

祥文武百官釋服并明德皇二十九年九月至四月十一日



請聽政

紹興二十九年九月二十四日詣聽政拜第一表慈極  
經哀勤孝思而已切法官聽政揆典故以宜遵敢貢忱  
辭上千巖聽臣思退等竊以天子之孝非士庶同聖人

之權為天下屈萬機不可暫曠庶政難以勿詢禮貴從  
宜治當愛日恭惟皇帝陛下受天至性執古達喪追惟  
罔極之恩永結無窮之威維節哀狗禮俯安萬國之心  
況遺誥垂文具存三日之令國體至重治務實繁願寬  
在疚之懷早頒臨政之命批答省表具之朕以降割自  
天遽罹大故追慕慈壺攀號莫及方此執喪愴然在疚  
思蓼莪之義欲報於劬勞顧荼毒之初豈皇於聽治露  
章來上徒極哀摧所請不允

二十五日拜第二表執禮過中人情實懼封章奉上天  
聰未回再罄懇誠仰祈矜允竊以萬務之機為至重難  
暫曠於剝裁四海之衆為甚繁方日勤於瞻俟雖在聖  
情而罔極願當邦典之適宜伏惟皇帝陛下誠通神明

行冠今古五十而慕益深天性之悲億兆同心敢援彝章之請願勉於人欲亟躬攬於政綱式遵文母遺訓之不失聖人因心之孝批荅省表具之迎奉駟馭即安東朝極天下之養惟日不足而一朝奄棄至于大故罔極之慕摧割靡勝成服甫爾而卿等封章皆至以聽政為言於禮安乎所請宜不允

二十六日拜第三表祔薄慈闈遽隔晨昏之奉孝形宸扆未聞政事之親雖存貢愬誠尚莫回於淵聽竊以易月之制從古以然漢唐成規備於方冊祖宗遺範著在史官歷千載以為常貫百王而莫改方萬國罔知攸措顧三日寶貴從權恭惟皇帝陛下道冠人倫孝鍾天性追懷大養永惻深衷號慟發於玉音哀慘形于日表稱

情制禮猶未體於公言屈已為民宜必親于庶高宗願  
降甚早之聽更裁同極之悲早臨便坐之嚴垂副綿區  
之望批答省表具之朕以眇躬遭家多難既不能遵商  
宗亮陰之制而姑用漢帝以日易月之文顧於典禮亦  
少貶矣乃復欲御便坐見羣臣聽政之請至於再三朕  
非惟不忍亦有所不敢也所請宜不允

同日禮部太常寺言檢會國朝會要昭憲太后崩百官  
成服後三日臨今來已具上件典故申請奉聖旨依合  
自二十七日百官更不入臨又檢準昭憲太后故事皇  
帝未聽政前百官日朝不立班又明德太后故事皇帝  
未聽政前百官並詣萬安宮門外進名起居今欲乞依  
上件典故自二十七日以後皇帝未聽政以前百官於

文德殿門外俟拜表訖進名起居候皇帝聽政日朝如常儀詔依

二十七日第四表東朝棄養備殫報德之思便座聽朝未總厲精之政屢陳危懇尚閔俞音凡在具僚不遑寧寤以執喪莫大於從先祖為子莫大於奉遺言本朝列聖之宏規太母垂終之貽訓允惟追孝必合遵恭惟皇帝陛下行過參審道同堯舜自宅憂恤已經浹辰號慕無時哀傷過禮神明為之感動天地至於慘陰若其徇一己之過情豈所謂聖人之達孝伏願俯憐衆志少抑至懷勉躬政事之親兼適情文之變批荅省表具之夫三年之喪自天子達於庶人三代共之朕式遵遺訓斷恩從權固已恧然于中而况臨政便朝親臨萬務雖

有彛制人言謂何載稽禮經未喻厥旨所請宜不允  
二十八日拜第五表需牘奏閣列羣情而甚切便朝聽  
政考彛典以尚稽臣庶憂懼而靡違詔旨敷諭而未忍  
欲微誠之上達敢瀝懇以重陳伏以代行皇太后即東  
朝之安極四海之養允綏遐福克享高年雖仙御之不  
留亦人事之無憾載惟孺慕實切聖心皇太后察陛下  
至性自天慮陛下執哀過禮上惟九廟之重下念萬機  
之繁故遺詔丁寧俾遵舊制而宸情哀塞未亮公言伏  
望皇帝陛下俯就禮文早親機務使中興甚盛之績永  
固皇基則長樂如在之靈實歆孝德批荅省表具之恭  
惟太母厭世奄棄慈寧念永閔於坤儀期終身而孺慕  
況朕方哀摧豈遽可對羣臣而親庶政露章連上宜勉

至情俟過小祥於梓宮之側權設素帳令輔臣奏事泣血示外痛貫心膂所請宜允

十月二日宰臣湯退思等言近率羣臣上第五表請皇帝聽政伏蒙批答處分俟過小祥設帳令輔臣奏事今月初二日已蒙小祥緣初三日行殿橫禮臣等欲自初四日奏事取進止詔依

三日禮部言閤門狀契勘紹興七年二月八日皇帝聽政是日係在朝臨之內其日文武百官赴朝臨訖次隨宰執以下立班起居訖百官退宰執入帳奏事今來十月四日係大行皇太后小祥之後已降指揮宰執赴奏事其日百官即不合立班詔依

御殿

紹興二十九年十月五日請御正殿拜第一表 聖能  
達節既遵臨政之規喪已過期宜正當陽之位稽之國  
典酌以民言敢冒威尊輒陳悃幅恭惟皇帝陛下高世  
之行過於漢文慕親之心同乎虞舜一自災變長樂悲  
結紫宸永懷顧復之恩彌切哀悃之感雖勉就法官而  
親事然尚稽南面以向明四海九州實切顯顯之望百  
工庶尹冀瞻穆穆之容願少抑於至懷早尊臨於正宇  
允昭至治無廢彝章批答省表具之朕念釁積禍鍾不  
自加于眇末之身而上延文母痛心疾首推割靡勝居  
內朝正當宇之位顧寡昧其忍聞之所請宜允  
七月拜第二表黼座未臨尚切蓼莪之感震封再上益  
深葵藿之傾仰冀天慈尚回淵鑒竊以聖人聽天下之



治必曰向明君子斷門內之恩亦惟以義行權有道自古固然恭惟皇帝陛下翼翼小心烝烝大孝克己遵於遺訓宅憂過於常情雖天道不言四時自然成歲而太陽未照萬物何以仰瞻伏願深酌禮文少寬哀慕勅太僕而歲事詔鴻臚而辨儀天子當陽肅南面正朝之位王言作命副羣心拱極之誠批荅省表具之昔者滕定公薨文公問於孟子孟子曰親喪固所自盡也文公始定為三年之喪夫滕小國之諸侯也其宅憂尚可觀孟子百世之大賢也其立言顧不足法乎朕莞然在疚方且服膺斯義卿等御殿之章其將何以處朕哉所請宜不允

十一日拜第三表聖情感惻未賜允從臣子憂疑莫遑

寧處終冒九重之聽敢辭三瀆之誅臣等聞天為厚物  
之宗蓋統元而覆疇日者衆陽之長必有赫以照臨惟  
夫大德之君宜正面朝之位恭惟皇帝陛下道該倫制  
孝通神明銜恤以來思親罔極執喪之節率禮無違恰  
長樂之禕衣尚深哀慕輟治朝之黼坐未忍尊居然而  
事有至權日已遠矣經存明訓練而慨然既遵易月之  
文可後答陽之義伏願思國家之大家計念祖宗之不  
彝亟頒渙號之享大廓高明之治俾濟濟在庭之列得  
望於清光則林林率土之民樂推於盛德批答省表之  
朕遠達大養痛悼東朝之不還俯徇羣言綿絕西廂之  
近制茹哀而親庶事泣血而見輔臣顧于禮既以即變  
而卿等御殿之請卻而復來且謂宜正面南之朝雖虛

當宁之位喪過乎哀則或非中制禮起於義則亦緣人情願思列聖之舊章亟御當陽之黼座朕念先朝典故易月有期三年之喪內朝自行之俟過禫除勉遵遺詔所請宜允

十四日宰臣湯思退言近率羣臣三上表奏請皇帝御殿伏奉批荅俟過禫除勉遵遺詔所請宜允依故事合行擇日今據太史局選到御殿宜用十月十八日戊辰吉詔依

十七日御史臺閣門太常寺言今擬定皇帝御正殿禮儀節次其日皇帝出宮禁衛班直親從等迎駕自贊四拜起居皇帝垂拱殿坐前殿大起居依故例用文武朝參官並四拜起居班次並如常朝儀三省樞密院升殿

奏事次引上殿班俟班絕舍人奏閤門無公事皇帝起  
還宮詔依

中興禮書第二百六十六卷

凶禮三十一

顯仁皇后

按地

紹興二十九年九月二十八日禮部太常寺言今來大行皇后太櫨宮按行使副欲乞依典故差官詔按行使差吏部侍郎葉義問副使差入內內侍省副都知衛茂實

二十九日詔大行皇太后櫨宮已依典故差按行使副外令禮部太常寺檢照昭慈聖獻皇后及諸后故事合與不合差復按使副今檢會國朝典故園陵並係祔葬止差按行使即不曾差復按使今來大行皇太后櫨宮

附永祐陵依典故即不合差復按使詔依

十月四日按行使葉義問等言準勅差往浙東按行橫宮去昭慈聖憲皇后橫宮咫尺臣等欲依臣僚經過陵寢故例前去朝謁詔依

十二日按使副葉義問等言恭奉聖旨按行大行皇太后橫宮於今月十日將帶尅擇官禮直官相視到永祐陵顯肅皇后橫殿正西有地一段土色黃潤林木榮盛宜於此地安立大行皇太后橫宮即與國音并陰陽經書並無妨礙禮直官狀今來永祐陵籬寨內顯肅皇后神園於內安穴即無妨礙所有顯肅皇后橫殿之西分大行皇太后神園外更豁二十五步安立內籬寨有王十五步西至外籬寨有三十五步緣正西俯及居民行

路并昭慈聖獻皇后橫宮司防守營寨其元來西壁內  
籬寨至外籬寨封堠禁地七十九步今來止有三十五  
步所有增展西壁外籬寨封堠禁地乞朝廷下太常寺  
看詳其地委無妨礙乞特降旨許臣等標劄神穴神  
園劄付禮部太常寺看詳施行今看詳於典禮別無妨  
礙詔劄下按行使會

十三日禮部太常寺言橫宮按行使司申按行到橫宮  
地段奏告畫一等事今具下項 一據太史局狀相視  
到大行皇太后橫宮地段合行分臂擘神園所有永祐  
陵顯肅皇后橫宮正西籬寨窠木鋪屋等有礙打量索  
路乞行除去依禮例合擇日差官奏告昭慈聖獻皇后  
橫宮永祐陵橫宮徽宗皇帝顯肅皇后懿節皇后畢應

時下手除去 一合用御封降真香四合祝文四首

為分學大行皇太后神恩除去並降付兩橫宮司

一合差奏告官四員乞依創從橫宮按行使司就差本

司屬官文臣充如不足牒紹興府差職官太祝四員亦

報紹興府差有出身人並前一日致齋 一奏告時日

乞令按行使司冠擇官候香祝到日選定 一合用供

養牙盤食茶酒果蠟燭燎草等乞下紹興府排辦差禮

生祇應 一選定祭土破地吉日時刻方位宜用十月

二十八日戊寅吉時宜用其日丙時先於標剗定神穴

處東南角巽位下手興工 一依故事乞令按行使或

副使前去祭土行禮詔依

宋會要十二月十八日詔兩橫宮禁地內有遷去士庶政兩

宮後所措置告諭先令合十人佑定實直報檢察官後



于意寧宮允便錢內陽三數十年運當官給付仍取宗正寺  
今人吏等乞免換授晉等一行太史局楊彥改遷合按照  
主簿兼樞密使太常寺卿已得旨施行依合所不楊彥改遷合按照  
臨西聖欽使后已得旨施行依合所不楊彥改遷合按照  
視四北及東相去稍遠尚堪穴依合所不楊彥改遷合按照  
百移臣等今檢點之故實諸而北界內舊穴不許開指其餘  
宮校故實不許開之又其西定奪依餘一百等即非陰  
陽技術更切相度如魚烟龍魂稍遠處亦元挑移穴  
紹興府更切相度如魚烟龍魂稍遠處亦元挑移穴  
月二冬新主中侍御史江表守木率歸宮之地舊  
百步去冬新主中侍御史江表守木率歸宮之地舊  
撤寸土守木率歸官今里皆為禁地而遷士庶盧志已毀  
中陰陽家流或謂宜挑去或以肅靜為度城且有不挑外  
從天柱天門三男位之挑去或以肅靜為度城且有不挑外  
是以四偶見得士庶命臣親前謂暫為遷宮不挑外  
視四偶見得士庶命臣親前謂暫為遷宮不挑外  
一三百七十二年無外議其非者今二十六里見存乃以撥宮合  
經三百七十二年無外議其非者今二十六里見存乃以撥宮合  
可移始有紛紜之論及太祖局各守其說皆虛誕子死不  
于漢興長樂宮在東曰後百祖宗是當有天子之宮夾我墓

且以天子之宮密近而當時不聞其墓也何以今見存  
 一百七十二穴業已挑去而築塞之無可奈何而見存  
 七百六十六穴恐顛覆地氣兼于林掩蔽而皆在禁下  
 一且悉令挑去恐顛覆地氣兼于林掩蔽而皆在禁下  
 如封府界內想玩有願遷出者仰各保衛內所載曉諭  
 今起封界內想玩有願遷出者仰各保衛內所載曉諭  
 與府王師心稱得利得不願者仍舊從之有墳塋見通約  
 千餘處太史局官李紹宗等互說不同有詣合激  
 將帶兩太史局官李紹宗等互說不同有詣合激

修奉橫宮

紹興二十九年十月五日禮部太常寺言今參酌討論  
 到大行皇太后橫宮合行典禮下項 一國朝典故園  
 陵皇堂神臺下深丈尺不同及上宮合置四神門南門  
 置乳臺鵲臺石作宮人等今來係修奉橫宮欲比附昨  
 昭慈聖獻皇后顯肅皇后橫宮禮例修奉 一依故事  
 修奉橫宮合用十二神等乞令工部行下文思院計會

太史局脩製詔依

同日詔大行皇太后橫宮脩奉總管差主管侍衛步軍司公事趙密都監差入內內侍省押班王晉錫承受差入內內侍省東頭供奉官廐思殿祗候馮孝宗

八日橫宮脩奉總管趙密等言乞下步軍司差撥軍兵五百人將官二員使臣五員各將帶衣甲器械前去晝夜在脩奉橫宮處擺定地分彈壓照管其餘差取人物并應合行事件等並乞檢照昨顯肅皇后橫宮脩奉前後已得指揮施行詔令趙密將帶軍兵三百人前去彈壓

十一日大行皇太后橫宮脩奉總管趙密等言今來脩奉橫宮事于典禮合用制度乞下禮部太常寺討論降

本下圖本脩奉詔依昭慈聖聖獻皇后顯肅皇后櫨宮  
制度圖本令三省取降

十二日禮部太常寺言脩奉使司申乞下有司討論指  
定下手興工日分及祭告禮例降下奉聖旨令禮部太  
常寺言論申尚書省今具下項 一太史局選到下手  
興工日宜用十月十八日戊辰吉時用其日丙時 一

禮部太常寺勘會櫨宮下手興工緣附近昭慈聖獻皇  
后櫨宮永祐陵櫨宮依禮例合行奏告合用御封降真  
香四合祝文四首

述以修奉大行皇帝后櫨宮下手興工之意

乞降付兩

櫨宮司交割合用牙盤食茶酒果等并合差太祝四員  
乞令紹興府差辦所有奏告官四員乞就差修奉使司  
屬官并都壕寨官於下手興工日五更奏告行禮詔依

十四日禮部太常寺言今來修奉橫宮其下手興工已降指揮奏告昭慈聖獻皇后橫宮永祜陵橫宮所有遜殿下宮添修殿宇緣已行奏告橫宮所有下宮乞令入內內侍省請降御封降真香五合降付橫宮司令遜陵都監於下手日行燒香之禮詔依

二十日修奉總管趙密等言準尚書省劄子禮部太常寺選定橫宮祭土破地吉日時刻方位用十月二十八日今有合申請下項 一破土日已令按行使副祭告未審修奉官合與不合至日陪位禮部太常寺看詳祭土破地其修奉官係已在橫宮候祭告訖下手興工即合陪位 一今來下宮擬移殿門向前却於殿門地步修蓋殿三間欲乞於目今殿前打立箔院計會本宮官

隨宜權開門一合出入事畢去拆 一於今月二十五日起發欲詣昭慈聖獻皇后橫宮永祐陵橫宮徽宗皇帝顯肅皇后懿節皇后朝拜如遇旦望節序亦乞令密等朝拜詔依

二十一日修奉使司言今檢照昨顯肅皇后橫宮故例其石藏利害至重緣二浙土薄地卑易為見水若不預行措置竊慮永脉津潤於久未便輒別彩畫石藏圖子一本雖功力倍增恐可禦濕本司今欲依上件故例製造詔依

十一月一日顯仁皇太后喪事都大監領所言承御前降下橫宮脩奉總管趙密等奏取到太常寺贊引使臣及太史局狀契勘將來梓宮發引至橫宮合入永祐陵

標星門至橫宮獻殿以俟掩橫如有相礙案木乞行除  
 去即無妨礙詔依宋會要二十八日詔慈聖獻皇帝  
 司依橫宮政事改正同本朝明德望后橫宮舊用橫字  
 仁后橫宮趙子滿秘閣修奉橫道頓等事務直數文  
 安府監趙子滿秘閣修奉橫道頓等事務直數文  
 浙西監趙子滿秘閣修奉橫道頓等事務直數文  
 度兩浙運判楊沂可並除直秘閣顯謨閣直學士知  
 轉兩府王師心除顯謨閣學士都監領上各事與  
 其顯一行官條回授馮孝忠子潛官遙上各事與  
 副顯一行官條回授馮孝忠子潛官遙上各事與  
 無顯一行官條回授馮孝忠子潛官遙上各事與  
 臨設一錢次禮己別推恩外知其官屬並減磨心  
 越子滿保明到應縣仁知紹興府王師心  
 恩減一牛年與磨餘減仁知紹興府王師心  
 月六日制保康寧節度使王管侍衛步軍司  
 太尉同崇德軍節度使王管侍衛步軍司  
 府使同崇德軍節度使王管侍衛步軍司  
 府使同崇德軍節度使王管侍衛步軍司

中興禮書第二百六十七卷

凶禮三十二

顯仁皇后

議謚號

紹興二十九年九月二十一日禮部太常寺言今參酌典故合集百官於尚書省議謚俟謚號下日告廟次日讀用於靈座前詔依

同日又言今來大行皇太后崩依已降指揮於尚書省集百官擬謚依禮例除禮部太常寺官合赴外伏望朝廷集侍從臺諫兩省官以上并監察御史集謚六曹郎官以上書謚今據太史局申宜用十月六日丙辰吉詔依



十月四日禮部太常寺言今來合差官撰哀用謚用文謚議并書謚寶官詔撰大行皇太后哀用文并書及篆謚寶差參知政事賀允中撰用文并書差同知樞密院事王綸撰謚議差兵部侍郎兼直學士院楊椿

十一日尚書省劄子兵部侍郎兼權禮部侍郎楊椿等言恭依聖旨尚書省集議大行皇太后謚者等椿議曰坤元厚載生萬物而不有其功月御宣明行四時而莫名其用眇觀遠古昭揭母儀蓋所以暢閨壺之徽音貽彤管之淑範者也恭惟大皇太后挺柔慈之德躬徇齊之資幽閑有容中琚瑤珎璜之節進退可度無阿姁傳煩左右先皇篤生元聖再安九廟施及萬方雖塗山光夏之勛大任興周之矩不是過也駟車旋軫尊御東朝

鷄鳴問安孝隆南面雖金母瑤池之懿樂興慶之饗不  
是過也慈儉之寶無疆惟休上帝與齡年開九帙受天  
不弔陟屺經悲皇上純孝積中興哀罔極遠尋漢制祇  
舉國章參稽節惠之文亟上灑乾之號大行皇太后行  
見中外克配先烈茲不曰顯乎安樂延年恩漸宇宙茲  
不曰仁乎洪惟本朝仁宗道冠於百王宣仁功參於列  
聖繄我慈闈匹休嗣德謹按謚法恭寬敏惠曰仁屈已  
逮下曰仁率性安行曰仁功施於民曰仁合是衆美鼎  
于鴻名僉言既同敢昭詔億世請上大行皇太后謚曰  
顯仁皇后謹議詔恭依

十一月十二日兵部侍郎兼權禮部侍郎楊椿奉詔撰  
上大行皇太后謚號議曰臣聞夫極占星穹象奠中宮

之位坤元畫卦柔儀司內治朝之是故二妃嬪御而帝  
道以昌十亂佐周而王圖益固歷選列代以迄于唐凡  
以母道承天者莫不生荷殊榮沒都美諡所以揭椒塗  
之懿範播蘭殿之芳馨彤管書之青史紀之巍巍煌煌  
不可尚已恭惟大行皇太后河洲載德沙麓儲精始以  
聖善之資生於世貴之胄既鍾厥美爰發其祥積累之  
休至后而大惟我大母體儼宸極躬佐先朝作合真人  
誕育聖嗣有姜嫄履畝之兆世鍾否運天祐我家駟馭  
來歸翟衣就養擁佑明聖萬國駿奔有塗山啟禹之功  
寤寐求賢恭儉節用湯沐之奉斤還縣官有闕雖二南  
之風考壽且寧不自專鄉推恩及物覃于海隅有洪範  
五福之慶方且怡神黃老晞跡喬松而稍乖節宣逮嬰

疾疫皇帝孝心純至夙夕焦勞畢力禱祈多方醫療而  
昊天不弔厚載中傾禍集東朝哀纏北闕雖追恩罔極  
莫終大養之誠而來事可為尚有名之制搜哀典故褒  
暢徽音流芳千年為宋太母謹按謚法曰恭寬敏惠曰  
仁屈已逮下曰仁率性安行曰仁功施於民曰仁若乃  
位直四星而謹柔嘉之則德儀九御而遵謙裕之規非  
恭寬乎警悟絕人而行全四善溫厚不迫而愛及三宮  
非敏惠乎和平而無嫉妬之心純懿而有均一之德非  
屈已逮下乎婉孌令質本於天成壽考八旬由乎悟養  
非率性安行乎陰輔聖治馴致時康欽老愛人永錫爾  
類非功施於民乎合是數者而見於中外非顯仁乎嗚  
呼德之盛者非一理而談道之洪者非一言而足故母

后之謚必請諸廟示非臣子所敢專必有尊也況我大  
行皇太后道德高妙超卓難名豈承學之士所能髣髴  
謹以祖宗之命受成于廟遵永祐陵顯恭顯肅二后之  
謚宜錫之曰顯仁皇后臣謹議詔恭依

奉上謚冊寶

紹興二十九年十月六日禮部太常寺言今來合製造  
沿用寶法物下項 一合修製哀冊謚冊寶并沿用寶  
法物乞令工部下文思院脩製 一欲乞俟謚號勅下  
奉慰及謚冊成令太史局選日告廟并次日上靈座前  
禮畢奉慰及前後殿不視事并奏告天地宗廟社稷宮  
觀合行事件并合差官及行禮儀注乞候指揮下日從  
太常寺依例條具申請施行詔依

同日又言檢會昨昭慈聖獻皇后故事哀用謚冊寶依故事合候書冊文官書冊文畢有司進謚請御書訖至奉謚冊寶告廟前一日有司進謚冊寶於內中告廟日降出依禮例修製官司計會人內內侍省專差內侍三員掌管進請御書并進謚冊寶入內中并告廟日請降出殿門所有今來大行皇太后哀謚冊進請御書等欲乞依禮例施行詔依

七日兵部侍郎兼權禮部侍郎楊椿等言據文思院申修製大行皇太后哀冊謚冊合用階石欲乞支撥三十既付文思院製造使用詔依

八日禮部太常寺言檢會明德皇太后典故未奉上謚冊寶以前稱大行皇太后奉上謚號冊寶了日稱明德

皇太后祔廟畢稱明德皇后所有今來大行皇太后謚號初下日依典故施行詔恭依

十二日兵部侍郎兼權禮部侍郎楊椿等言今月六日已集議定大行皇太后尊謚今檢準國朝會要昭憲皇后崩太常禮院言唐憲宗母皇太后崩有司集議以百官謚狀讀于太廟然後上之周宣懿皇后謚號有司撰定制下之日不告郊廟脩謚冊畢始告廟還讀於靈座前詔從周制羣臣奉謚冊實告于太廟翌日上于滋德殿又明德皇后崩羣臣奉謚冊實告于太廟翌日上于萬安宮之靈座又紹興元年昭慈聖獻皇后崩百官集謚訖太常寺申乞依明德皇后故事太尉率百僚奉謚冊于太廟次日上于靈座今欲遵依遺詔依昭憲明德

皇太后等故事候謚用寶成擇日百官奉謚用寶讀于太廟次日上于慈寧宮詔依昭憲明德皇后故事施行十三日禮部太常寺言今參酌比附下項 一合候修製用寶了畢令脩製官司報禮部太常寺下太史局擇日奉謚用寶告太廟行禮 一合用御封降真香一十二合一十一合上誥用寶祝文一十一首並述以大行皇后廟奉上誥用寶告 白幣一十一段及合用禮料酒脯等並乞下所屬

排辦

一合差官開令六員

一行事日太傅讀用寶

官奉禮郎太祝太官令並服祭服外應陪位官僚並服常服吉帶立班詔依

十四日禮部太常寺言今來大行皇后謚號勅下應官司行移等依禮例候奉上號謚用寶了日合稱顯仁皇



太后候將來祔廟畢合稱顯仁皇后內寶文今欲依例以顯仁皇后之寶六字為文詔依

十六日同知樞密院事王綸言近奉勅差臣撰大行皇后謚用文臣今恭依聖訓撰成謹錄奏聞者伏以盛德難名美形容而罔盡大恩必報念顧復以奚忘唯克正於徽稱庶少伸於永慕博詢卿士曾無同異之言祇告宗祧況有神靈之命恭惟大行皇太后祥開沙麓道契媯皇家襲一經之傳國被二南之化蚤騰芳譽入侍先朝差蘋藻以薦馨佩珎璜而中度茂集餘慶篤生眇躬磅礴柔風扶持陰教本茲內治俾爾外寧逮更炎靈之艱因致翟車之遠雖二妃從帝暫狩於蒼梧然三后興周卒光於鎬水奉四表歡心之慰十年引領之勞稽諸

御聞茲為創見蓋至仁之獲佑豈小信以能孚至于臨  
時東朝優游晚歲檢身樸素放意希夷謁不干朝權無  
假外已登八十世間之壽固高雖至百千人子之心何  
厭慈顏遽隔遺詔獨存創鉅痛深情何所訴言發涕頌  
禮不可達用考彝章俾參右義四端之首一字匪褒以  
其取數之多故於列行為備謹遣某官奉用寶上尊謚  
曰顯仁皇后伏惟淑靈如在容物是膺錫慶邦家萬世  
無斁伏候勅旨詔付書用文官

十八日禮部太常寺言將來奉謚用寶告太廟行禮日  
辰據太史局申選用十月二十七日丁丑吉詔依

十九日禮部言今來大行皇太后發引前合奉上謚用  
寶并發引日合用哀用條具申請事件下項 一奉上

議用寶自內發用寶至太廟告廟次日靈座前行奉上之禮并發引日其哀用禮部各合差俸用寶抱席褥職欲乞於禮部人吏內差撥 一合用擡擎謹用寶輦官內執擎沿用寶法物天武官援衛皇城司親事官并擡擎哀用并執擎沿用法物天武官援衛街仗司今欲依故例下御輦院殿前司皇城司街仗司依數差撥 一所差人合着衣服除輦官親事官服色乞下本處關借外其天武街仗司合用紫衫帽子并援衛人所執仗子并捧用寶職掌合用緋羅寬衫介幘勒帛帕頭腰帶並乞下祗候庫及臨安府關借詔依

二十一日禮部太常寺言檢會典故太傳率百僚奉議用寶告太廟今來大行皇太后議號用寶下日依故例

參酌下項 一合差太傅一員奉上謚冊寶并率百僚奉謚冊寶告太廟并次日上於靈座前係差宰臣 一合差宰臣一員其日捧謚冊寶于內中護從至太廟以授行禮太傅并次日奉謚冊寶至慈寧宮以授太傅上于靈座前係差宰臣 一合差讀謚寶攝侍中一員讀謚冊攝中書令一員係差宰執舉冊官二員舉官寶二員係差侍從臺諫已上官並兼次日上于靈座前 一合差奉禮郎太祝太官令各一員係差臺諫卿監並前一日宿齋詔恭依

二十二日禮部太常寺言奉上天行皇太后謚冊寶依禮例合前二日奏告天地宗廟社稷天慶觀報恩光孝觀太一宮各合差奏告官一員並前一日宿齋至日行

事畢退並乞差侍從官內宗廟乞差南班宗室及應合排辦事件乞依自來奏告體例令太常寺開報所屬排辦詔依

同日又言今參酌下項 一奉謚用寶上於靈座前百官並乞服常服黑帶並奉上謚用寶告廟畢次日上於靈座前其應奉上用寶官并禮直官贊引人并捧用寶職掌等並宿於謚用寶幄之側並合於太廟齋廳權釘設安奉謚用寶幄次并麗正門外於西廊權釘設俟時帷次所有至日上於靈座前合用供養食茶酒果乞令主管諸司排辦 一今來謚用寶奉上於靈座前畢欲乞於慈寧殿奉安令本殿官交割權行收掌至發引日降出交付禮部陳列詔依

二十三日禮部太常寺言今參酌下項 一十月二十  
六日係奉謚用寶告廟前一日其日係太傅以下行事  
官致齋日分并二十七日係奉謚用寶告廟日及二十  
八日係奉謚用寶上於靈座日欲乞前項日分皇帝前  
後殿不視事百司作休務假 一謚用寶告廟日令掌  
管進詣內侍官於二十七日早自射殿東廊降出至殿  
門交付禮部陳列合經由出麗正門中所有射殿門外  
合釘設迎拜幄次并太傅以下行事官待班幕次詔依  
二十五日禮部太常寺言已降指揮差衛茂實監領大  
行皇太后喪事其今來奉大行皇太后謚用寶告廟并  
奉上於靈座前欲乞就差本官一就主管詔依

奉上謚用寶前一日告廟行禮儀

告廟前一日有司奉謚用寶進入內中其上謚用寶太  
傅奉謚用寶宰臣讀用中書令讀寶侍中舉用官舉寶  
官奉禮郎太祝太官令宮闈令並各宿齋於本司至  
日文武官僚及奉禮郎太祝太官令並常服吉帶先詣  
太廟幕次其上謚用寶太傅奉謚用寶宰臣讀用中書  
令讀寶侍中舉用舉寶官並服黑帶守麗正門入詣躬  
殿門外幕次并太常寺贊引祇應人禮部職掌及掖衛  
親從官等並於殿門外隨地排立以俟用寶降出及令  
所差掌管進請謚用寶內侍官三員請降謚用寶出射  
殿門外次引奉用寶宰臣於內侍處授用寶付禮部於  
殿門上權置定次禮直官引太傅已下詣殿門下隨地  
立班再班拜訖如值兩或權退側身立俟有司奉迎援

街進行太傅已下後從至麗正門外並騎從至太廟櫺  
星門外有司捧用寶少駐應騎從官下馬入幕次換吉  
帶後從謚用寶入南神門詣殿西階下權置位用北寶  
南置定太傅已下並權退歸幕次各服其服上用寶太  
率臣議用寶中書令侍中舉用寶官奉祀郎太祝  
太官令官闈令各服祭服應陪位官孟常服吉服俟有  
司實設酒脯禮料等畢脩祠祭官引官闈令入詣殿下  
褥位北向再拜訖升殿就位立定次御史臺閣門太常  
寺分別文武百僚入詣殿下北向隨地之宜立班定太  
常寺引奉禮郎太祝太官令於陪位班之前褥位北向  
立以西為上次引讀用中書令讀寶侍中詣用寶案之  
後立次引舉用舉寶官又於其後立定次禮直官引奉  
謚用寶宰臣於用寶位稍南東向褥位立次引上謚用



賓太傅於殿東階下褥位西向立祠祭官贊奉神主次  
宮闈令詣諸室奉神主訖祠祭官輦奉神主訖禮直官  
贊太傅躬拜贊者曰拜在位官皆再拜訖太常寺先引  
奉禮郎太祝太官令升殿各就位立定次禮直官引太  
傅詣盥洗位北向搢笏盥手悅手執笏詣爵洗位北向  
搢笏洗爵拭爵以爵授執事者執笏升殿西階祇應人事  
自西階詣僖祖室酌尊所搢笏西南向跪執爵太官令  
北向搢笏跪酌酒訖執笏興先詣次室酒尊所北向立  
太傅以爵酒授執事者執笏興詣僖祖室香案前搢笏  
上香再上香三上香跪奉禮郎西向搢笏跪奉幣太傅  
受幣奠之奉禮郎執笏興先詣次室西向立太傅執爵  
三祭酒于茅苴奠爵執笏俛伏興出戶外少立次太祝

東向指笏跪讀祝文讀訖執笏興先詣次室東向立太  
傳再拜訖次詣翼祖室宣祖室太祖室真宗室仁宗室  
英宗室神宗室哲宗室徽宗室行禮並如上儀訖奉禮  
郎太祝太官令各降階復位立次引太傅降階復位立  
少頃禮直官引奉謚冊寶宰臣詣冊案前隨地立定次  
引上謚冊寶太傅至西階下立定次引舉冊官指笏跪  
舉冊冊興凡舉冊寶皆禮職掌先捧冊案升詣殿上當  
中置於褥位次奉冊寶宰臣指笏奉冊匣以授太傅太  
傅指笏受訖奉冊寶宰臣執笏少退立次舉冊官舉行  
太傅捧冊匣升殿至褥位北向跪奠冊匣於案上舉冊  
官奠冊匣訖執笏興少立次太傅執笏興少退於褥位  
西向立次引讀冊中書令詣冊案後北向立舉冊官指

笏跪舉用讀用中書令指笏跪讀用訖執笏興降階復  
位立舉用官奠用舉用匝興職掌先捧案降階置于褥  
位舉用官舉用匝降階太傅後從至殿下權置位案上  
舉用官執笏興退復位俟殿上讀用將畢引奉謚用寶  
宰臣詣寶案前隨地立定次舉寶官指笏跪舉寶盃興  
職掌先捧寶案升詣殿上當中置於褥位奉謚用寶宰  
臣指笏奉寶盃次太傅詣寶盃前位奉謚用寶宰臣以  
寶盃授太傅太傅指笏受訖奉謚用寶宰臣執笏退復  
位次舉寶官舉行太傅捧寶盃升殿至褥位北向跪奠  
寶盃於案上舉寶官奠寶盃訖執笏興少立太傅執笏  
興少退於褥位西向立次引讀寶侍中詣寶案後北向  
立舉寶官指笏跪舉寶讀寶侍中指笏跪讀寶訖執笏

興降階復位立舉賓官奠賓舉賓盥興職掌先捧案降階置於禱位舉賓官舉賓降階太傅後從至殿下權置位案上舉賓官執笏興退復位太傅復位立祠祭官贊奉神主入祔室宮闈令奉神主入室訖改引太傅奉禮祠祭官贊奉神主入祔室訖次引太傅奉禮郎太祝太官令俱詣望瘞位北向立俟有司瘞幣訖太傅以下班退文武百僚以次退次太傅以下歸幕次換常服吉帶俟有司奉用寶出殿門進行太傅已下後從至齋廳用寶帷權安奉訖上謚用寶太傅奉謚用寶宰臣以下并祇應人並於太廟用寶帷之側幕次宿衛

奉上謚用寶儀

其日上謚用寶太傅已下常服吉帶自權安奉謚用寶

處奉謚冊寶出太廟櫺星門外太傅以下換黑帶騎從  
謚冊寶至麗正門外並下馬從入至慈寧殿下稍西東  
向褥位權置冊北寶南置定太傅已下權退歸幕次俟  
有司排辦備御史臺閣門太常寺分引文武百僚詣慈  
寧殿下及殿門外隨地之宜立班次禮直官引讀冊中  
書令讀寶侍中詣冊寶案之後褥位東向立次引舉冊  
寶官於讀冊寶官之後立次引奉謚冊寶宰臣詣冊寶  
案之東南向立次引上謚冊寶太傅詣殿下褥位西向  
立定禮直官贊太傅躬拜在位官皆再拜訖次引太傅  
升殿詣大行皇太后香案前搢笏上香再上香三上香  
跪一酌茶三奠酒執笏俛伏興再拜訖降階復位少立  
次再引太傅詣奠下北向褥位俛伏跪奏稱太傅臣某

言奉詔謹奉上行皇太后謚用寶奏訖伏興退復位

次引奉謚用寶宰臣詣用案前立次舉用官搢笏跪舉

用匣興

凡舉用寶皆祀部職掌助舉

職掌先捧用案升詣殿上香案

前置於褥位北向次引捧用官宰臣搢笏奉用次引太

傅詣用匣之後搢笏宰臣以用授太傅太傅受訖宰臣

執笏退復位立次舉用官舉行太傅捧升殿至褥位北

向奠用匣於案上太傅執笏具少退稍西褥位東向立次

舉用官執笏興少立次引讀用中書令升殿詣用案之

後北向立舉用官搢笏跪舉用次讀用中書令搢笏跪

讀用訖執笏興降階復位立舉用官奠用舉用匣興職

掌先捧用案於殿上稍東褥位置定舉用官舉匣用跪置

於案上舉用官執笏興降復位俟讀用官讀用將畢引

奉謚冊寶宰臣詣寶案前次舉寶官搢笏跪舉寶盃興  
職掌先捧寶案升詣殿上香案前置於褥位北向次奉  
謚冊寶宰臣搢笏奉寶盃次引太傅降階於寶盃之後  
搢笏次奉謚冊寶宰臣以寶盃授太傅太傅受訖宰臣  
執笏退復位立次舉寶官舉行太傅捧升殿至褥位北  
向跪奠寶盃於案上太傅執笏興少退稍西褥位東向  
立次舉寶官執笏興少立次引讀寶侍中升殿詣寶案  
之後北向立舉寶官搢笏跪舉寶次讀寶侍中搢笏跪  
讀寶訖執笏興降復位立舉寶官奠寶舉寶盃興職掌  
先捧寶案於殿上稍東褥位置定舉寶官舉寶盃跪置  
於案上舉寶官執笏興降復位立次引太傅降復位西  
向立定禮直官贊太傅躬拜在位官皆再拜訖

如後兩  
泥淨隨

門宜並于廊上及殿次文武百官詣文德殿以俟立班進  
名進再拜奉慰訖退